

Direktor preduzeća

Broj: 101- 13184/24 DŽS  
Zenica, 12.11.2024. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22, 50/24), na Preporuku Komisije za nabavku broj: 501-13182-1/24 DŽS od 12.11.2024. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

### **ODLUKU o izboru najpovoljnijeg ponuđača**

#### **I**

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 501-13182/24 DŽS od 12.11.2024. godine u postupku dodjele okvirnog sporazuma za nabavku dijelova za pumpe, LOT 1 – dijelovi za pumpe Elko - Elektrokovina i prihvata se preporuka Komisije za nabavke da se okvirni sporazum zaključi sa ponuđačem:

#### **HIDROFLEX d.o.o. Tuzla**

kao najbolje ocijenjenom ponuđaču, prema ponudi protokolisanom pod brojem: 501- 12854/24 od 04.11.2024. godine, za ponuđenu cijenu od 11.999,00 KM bez uračunatog PDV-a.

#### **II**

Prijedlog okvirnog sporazuma dostavit će se na potpis izabranom ponuđaču u skladu sa članom 98. Zakona o javnim nabavkama BiH.

#### **III**

Za izvršenje ove Odluke zadužuje se Komisija za nabavke, Služba za kadrovske i opšte poslove, te Komercijalna i Finansijska služba u preduzeću.

#### **IV**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj: 39/14, 59/22).

#### **V**

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 101-11746/24 MS od 11.10.2024. godine, kao i Odlukom o izmjeni Odluke o pokretanju postupka, broj: 101-11932/24 BS od 14.10.2024. godine. Javna nabavka je provedena putem otvorenog postupka sa zaključivanjem okvirnog sporazuma na period od 12 mjeseci.

Procijenjena vrijednost javne nabavke za LOT 1 bez uračunatog PDV-a je 12.000,00 KM.

Dana 11.10.2024. godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-528-3-224/24 objavljena je i tenderska dokumentacija. Dana 14.10.2024. godine objavljena je Ispravka za obavještenje o nabavci, broj: 439-1-1-528-8-227/24, kada je objavljena i izmijenjena tenderska dokumentacija.

U prilogu se dostavlja Izvještaj o preuzimanju izmijenjene tenderske dokumentacije od strane ponuđača preuzet sa portala javnih nabavki dana 08.11.2024. godine.

Rok za dostavljanje ponuda je bio 08.11.2024. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su dvije ponude u zatvorenoj kovrti, i to:

1. HIDROFLEX d.o.o. Tuzla
2. TEVE VARNOST ELEKTRONIKA d.o.o.

Komisija za nabavku imenovana je Odlukom broj: 101-12006/24 ŠS od 14.10.2024. godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da su blagovremeno zaprimljeno 2 (dvije) ponude,
- da nema neblagovremeno zaprimljenih ponuda,
- ukupno 8 (osam) ponuđača je preuzelo izmijenjenu tendersku dokumentaciju sa Portala javnih nabavki.

Komisija za nabavku je dana 12.11.2024. godine direktoru preduzeća dostavila Zapisnik o ocjeni ponuda broj: 501 - 13182/24 DžS od 12.11.2024. godine sa preporukom o izboru najpovoljnijeg ponuđača.

Ponuđač TEVE VARNOST ELEKTRONIKA d.o.o. je dostavio Izjave o ispunjenosti uslova iz člana 45. i člana 52. ZJN BiH koje nisu ovjerene kod nadležnog organa. Ponuđač je dostavio ponudu čija ukupna cijena prelazi iznos procijenjene vrijednosti za predmet nabavke.

Slijedom navedenog, ponuda ponuđača TEVE VARNOST ELEKTRONIKA d.o.o. Visoko je nepravilna (član 2., tačka 1., stav 3. Zakona o javnim nabavkama BiH) i neprihvatljiva (član 2., stav 1., tačka I., alineja 2. Zakona o javnim nabavkama BiH, „Sl. glasnik BiH, 39/14, 59/22, 50/24) Iz gore navedenih razloga ponuda ponuđača TEVE VARNOST ELEKTRONIKA d.o.o. Visoko se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Uvidom u priloženu dokumentaciju postupka broj: 403-11932-1/24 MS od 14.10.2024. godine –nabavka dijelova za pumpe, LOT 1 – dijelovi za pumpe proizvođača Elko-Elektrovina a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama („Sl. glasnik BiH”, 39/14, 59/22), i članu 17. Uputstva za pripremu modela tenderske dokumentacije i ponuda („Sl. glasnik BiH”, broj: 90/14), nije našla osnovan razlog da izrazi sumnju da je cijena dostavljene ponude neprirodno niska.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. HIDROFLEX d.o.o. Tuzla, sa ukupnom cijenom ponude u iznosu od 11.999,00 KM bez PDV-a

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku dijelova za pumpe, LOT 1 – dijelovi za pumpe Elko-Elektrovina dao ponuđač HIDROFLEX d.o.o. Tuzla, jer je ponuđač dostavio ponudu sa najnižom cijenom prihvatljive ponude, te Komisija predlaže da se sa navedenim ponuđačem kao najpovoljnijim zaključi okvirni sporazum.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom i člana 32. i člana 64., stav 1., tačka (b) Zakona o javnim nabavkama BiH („Službeni glasnik BiH”, broj: 39/14, 59/22, 50/24) odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.

#### **DOSTAVLJENO:**

- 1 x Ponuđači
- 1 x Direktor preduzeća
- 1 x Pom.dir.za ekon. i prav.posl.
- 1 x Pom.dir.za tehn.posl.
- 1 x Pom.dir.za razvoj i invest.
- 1 x Tehnička služba
- 3 x Članovima Komisije
- 1 x Službenik za javne nabavke
- 1 x Sekretar Komisije
- 1 x a/a

